



Lub Khoos Kas Hauv Zos Cov Kev Taw Qhia thiab Cov Feem Xyuam Xyaw Ntawm Kev Tsis Sib Cais Uas Muaj Kev Ua Tau Zoo

<https://ectacenter.org/topics/inclusion/indicators.asp>

Lub Kaum Ob Hlis Ntuj Tim 15, 2023

QHOV KEV TAW QHIA L1: Pab Pawg Neeg Ua Hauj Lwm Txog Kev Tsis Sib Cais

Lub khoos kas tsim los sis koom nrog Lub Khoos Kas Pab Pawg Neeg Ua Hauj Lwm Txog Kev Ua Tus Coj Ntawm Kev Tsis Sib Cais (Program Inclusion Leadership Team). Nws muaj cov thawj tswj hwm, cov neeg ua hauj lwm ntawm khoos kas, cov neeg ntawm tsev neeg, cov neeg laus uas muaj kev xiam oob qhab, thiab cov khub hauv zej zog uas siv cov phiaj xwm kev nqis tes uas taw qhia txoj hauv kev, txhawb nqa, thiab ua kom ntseeg siab tias muaj kev siv cov khoos kas kev tsis sib cais thiab cov kev xyuum tsis sib cais.

Lub Khoos Kas Pab Pawg Neeg Ua Hauj Lwm Txog Kev Tsis Sib Cais:

1. Muaj kev sib raug zoo nrog rau Pab Pawg Neeg Ua Hauj Lwm Txog Kev Tsis Sib Cais Ntawm Zej Zog (Community Inclusion Team, CIT) thiab faib tawm cov ntaub ntawv tas li nrog rau pab pawg neeg ua hauj lwm.
2. Txiav txim tias yuav tsum tau muaj cov khub hauv zos twg los txhawb nqa qhov kev tsis sib cais. Cov khub yog tus sawv cev ntawm lub khoos kas (uas suav nrog cov ntaub ntawv qhia txog pej xeem neeg ntawm cov me nyuam uas muaj kev xiam oob qhab uas tau txais kev pab cuam, cov hom lus uas tau hais nyob rau hauv lub zej zog, cov zej zog nyob tuaj ntug) uas nws muab kev pab cuam, uas saib raws li haiv neeg, nyiaj khwv tau los thiab hom lus thiab nws muaj cov neeg uas muaj kev xiam oob qhab.
3. Tsim kho thiab ceev cia cov kev cog lus nrog rau cov khoos kas kev kawm rau cov me yuam tseem yau (Early Childhood Education, ECE), cov khub fab kev noj qab haus huv, thiab cov kws muab kev pab cuam txhawb qab fab kev coj cwj pwm txhawm rau muab cov kev txhawb nqa thiab cov kev pab cuam rau cov me nyuam uas muaj kev xiam oob qhab nyob rau hauv cov chaw uas tsis sib cais.
4. Muaj lub phiaj xwm kev nqis tes txog kev tsis sib cais uas sau ua ntaub ua ntawv uas muaj cov hom phiaj thiab cov kev teeb tseg uas phim rau nws lub hom phiaj thiab lub luag hauj lwm sib koom, xws li kev ua kom muaj kev tsis sib cais ntau ntxiv thiab zoo ntxiv.
5. Muaj cov kauj ruam kev nqis tes uas tau hais tseg nyob rau hauv lub phiaj xwm kev nqis tes txog kev tsis sib cais txhawm rau ua kom ntseeg siab tias muaj kev ua tau tiav thiab muaj kev ruaj khov.
6. Teeb tsa rooj sib tham tas li los daws teeb meem txog pov thawj kev nce qib mus rau cov hom phiaj nyob rau hauv lub phiaj xwm kev nqis tes txog kev tsis sib cais.

7. Tshaj tawm ib xyoos ib zaug mus rau cov tsev neeg thiab lub zej zog hais txog qhov kev nce qib thiab cov kev ua tiav los ntawm lub phiaj xwm kev nqis tes.

QHOV KEV TAW QHIA L2: Lub Hom Phiaj Uas Tau Sib Koom

Lub khoos kas tsim kho thiab ua raws li nqe lus hais tseg ntawm lub hom phiaj uas tau sib koom uas lees paub txog cov kev pab txhawb uas tsis zoo thooj li lwm tus ntawm txhua tus me nyuam. Nws ua tib zoo saib rau cov me yuam uas muaj kev xiam oob qhab thiab cov uas tu ncuu kev tau txais kev pab cuam thiab raug cais nyob rau hauv keeb kwm thiab tam sim no. Nqe lus qhia yog tau txais kev sib txuas lus ua cov hom lus thiab cov qauv (piv txwv, sau ua ntaub ua ntawv, hais ntawm ncauj, los sis ua vis dis aus) uas raug raws li cov kev xav tau ntawm lub zej zog hauv zos tshaj plaws.

Lub khoos kas hauv zos:

1. Tsim kho nqe lus ntawm lub hom phiaj uas tau sib koom uas hais meej txog txoj hauv kev siv qhov kev tsis sib cais thiab tsim huab cua los txhawb nqa nws.
2. Siv nws nqe lus ntawm lub hom phiaj ua tau sib koom los ua kev taw qhia txoj hauv kev rau qhov kev tsim kho thiab siv cov cai thiab cov txheej txheem uas txhawb nqa kev tsis sib cais.
3. Ua kom ntseeg siab tias cov neeg ua hauj lwm tuaj yeem piav qhia tau meej hais txog nqe lus ntawm lub hom phiaj rau qhov kev tsis sib cais ntawm cov me nyuam uas muaj cov kev xiam oob qhab thiab lawv cov tsev neeg.
4. Faib ntawm nqe lus ntawm lub hom phiaj hais txog kev tsis sib cais nyob rau hauv zej tsoom li kev lees paub thiab cov ntaub ntawv khoos kas ua cov hom lus thiab cov qauv uas cuam tshuam thiab tuaj yeem nkag mus siv tau zoo tshaj plaws rau lub zej zog.

QHOV KEV TAW QHIA L3: Tsev Neeg Li Kev Koom Nrog thiab Kev Koom Tes Nrog

Lub khoos kas ua kom ntseeg siab tias cov tsev neeg ntawm cov me nyuam uas muaj thiab tsis muaj kev xiam oob qhab yeej koom nrog rau qhov kev tsim kho thiab kev siv cov cai thiab cov kev pib uas tau cuam tshuam kev tsis sib cais.

Lub khoos kas hauv zos:

1. Tsim kho lub phiaj xwm rau txoj hauv kev koom nrog thiab koom tes nrog cov tsev neeg nyob rau hauv cov kev rau siab pab txhawb, kev lees paub ntawm zej tsoom, cov rooj sab laj txog kev tsis sib cais, thiab cov rooj sib tham. Qhov no suav nrog kev tsim kho cov txheej txheem rau cov tsev neeg nyob rau txhua them ntawm kev tsim kho thiab kev ntsuam xyuas cov kev pib kev tsis sib cais.
2. Thov lus pab tswv yim thiab lus xam pom los ntawm tsev neeg thooj plaws qhov kev siv lub phiaj xwm kev nqis tes txog kev tsis sib cais.
3. Muab ntaub ntawv kev paub rau cov tsev neeg hais txog cov txiaj ntsig thiab cov hauv paus kev cai lij choj ntawm kev tsis sib cais.
4. Ua kom tseeg siab tias tuaj yeem nkag mus siv tau cov ntaub ntawv thiab cov peev txheej yam uas muaj vaj huam sib luag los ntawm kev muab cov kev pab cuam txhais lus pub dawb; kev siv "cov neeg sawv cev rau fab kab lig kev cai los sis hom lus" uas txhawb nqa tsev neeg yam tsis tu ncuu los ntawm txheej txheem kev qhia tus kheej, kev muab tso rau hauv qhov chaw thiab cov kev pab cuam, thiab kev siv hom lus uas nkag siab yooj yim.

5. Txuas cov tsev neeg nrog rau Cov Chaw Hauj Lwm Txog Kev Cob Qhia Niam Txiv thiab Ntaub Ntawv (Parent Training and Information Center, PTI) thiab lwm cov khoos kas txhawb nqa tsev neeg.
6. Tsim cov hwm tsam rau cov tsev neeg ntawm txhua tus me nyuam los faib tawm lawv cov kev paub txog kev tsis sib cais.
7. Suav nrog cov tsev neeg rau hauv cov txheej txheem kev txhim kho khoos kas thiab kev daws teeb meem tas li.
8. Ntsuam xyuas qhov siv tau zoo ntawm lub phiaj xwm txhawm rau koom nrog thiab koom tes nrog rau cov tsev neeg.
9. Txais ua hauj lwm thiab them nyiaj ncaj ncees rau cov tsev neeg uas cov me nyuam tau txais cov kev pab cuam kev kawm tshwj xeeb txhawm rau pab cov tsev neeg tshiab thoob plaws txheej txheem. Kev txais neeg ua hauj lwm tsim nyog yuav tsum tsis muaj kev sib cais uas saib raws li hom lus, kab lig kev cai, haiv neeg, kev lag luam, thiab thaj chaw.

QHOV KEV TAW QHIA L4: Kev Lees Paub thiab Kev Cog Lus

Lub khoos kas muaj cov lus qhia rau kev tsis sib cais uas txhob txwm pab txhawb cov kev lees paub ntawm thiab kev cog lus uas yuav tsis sib cais ncu ntawm cov kws muab kev pab cuam, cov tsev neeg thiab lub zej zog.

Lub khoos kas hauv zos:

1. Txheeb sau thiab kuaj xyuas cov ntaub ntawv hais txog cov yeeb yam thiab cov kev ntseeg ntawm cov neeg ua hauj lwm thiab cov tsev neeg hais txog kev tsis sib cais thiab muab cov hwm tsam rau qhov kev txheeb xyuas cov yam tsim kev tab kaum thiab cov hauv kev daws teeb meem.
2. Ua kom ntseeg siab tias txhua tus neeg ua hauj lwm tuaj yeem piav qhia tau meej thiab qhia ua rau pom txog lawv li kev cog lus rau kev tsis sib cais.
3. Ua kom ntseeg siab tias txhua tus neeg ua hauj lwm tuaj yeem piav qhia tau meej thiab qhia ua rau pom txog lawv li kev paub txog cov txiaj ntsig thiab cov hauv paus cai lij choj ntawm kev tsis sib cais.
4. Muab cov hwm tsam raws li ib txwm thiab xwm yeem nkaus rau cov neeg ua hauj lwm los faib tawm lawv cov kev paub dhau los txog kev tsis sib cais.
5. Siv txoj cai hais txog feem xyuam ib txwm muaj ntawm lub cev los ua kev taw qhia txoj hauv rau kev suav nrog cov me nyuam uas muaj kev xiam oob qhab rau hauv cov chaw pab cuam cov me yuam uas tseem yau. "Cov feem xyuam ib txwm muaj ntawm lub cev" txhais tau tias cov me nyuam uas muaj kev xiam oob qhab tsim nyog qhia ua rau kom pom txog feem xyuam uas ib txwm muaj ntawm lub cev ntawm cov tib neeg uas muaj cov kev xiam oob qhab nyob rau hauv lub zej zog thiab tsis tsim nyog muaj ciam txwv los sis kev txwv rau qhov ntau ntawm cov me nyuam uas muaj kev xiam oob qhab uas tau txais kev tso cai sau npe rau hauv cov kev pab cuam.

QHOV KEV TAW QHIA L5: Cov Cai thiab Cov Txheej Txheem

Lub khoos kas tsim kho thiab siv cov cai thiab cov txheej txheem kev tsis sib cais uas sau ua ntaub ua ntawv uas qhia ua rau pom txog nws nqe lus qhia ntawm lub hom phiaj uas tau sib koom thiab txhawb

nqa qhov kev siv cov kev xyaum tsis sib cais. Cov cai yog muaj ua cov hom lus, uas suav nrog lus piav tes, thiab cov qauv (piv txwv, hais ntawm ncauj, sau ua ntaub ua ntawv, los sis vis dis aus) uas cuam tshuam rau cov kev xav tau ntawm cov pej xeem neeg nyob rau hauv lub khoos kas hauv zos.

Lub khoos kas hauv zos:

1. Muab cov hwm tsam rau cov niam txiv thiab cov neeg ua hauj lwm los muab cov kev txhim kho txoj cai thiab txheej txheem.
2. Siv cov cai thiab cov txheej txheem uas ua raws li tsoom fwm thiab xeev cov cai teeb tseg uas raug raws li kev cai lij choj hais txog cov kev pab cuam rau cov me nyuam uas muaj cov kev xiam oob qhab thiab lawv cov tsev neeg.
3. Siv cov teeb meem uas tau txheeb xyuas uas muaj feem cuam tshuam tsis zoo yam tsis tsim nyog rau Neeg Tawv Dub, Neeg Las Tees, Haiv Neeg Ib Txwm, thiab lwm cov me yuam uas tsis yog neeg tawv dawb uas muaj cov kev xiam oob qhab (*xws li*, kev qhuab qhia, kev tuaj yeem nkag mus siv tau kev sau ntaub ntawv khoos kas ua ob hom lus) los tsim cov cai kev muaj vaj huam sib luag thiab ceeb toom qhia kev tawm phiaj xwm kev nqis tes.
4. Siv cov cai thiab cov txheej txheem los nrhiav neeg ua hauj lwm thiab sau npe cov me nyuam uas muaj cov kev xiam oob qhab.
5. Ua kom ntseeg siab tias cov cai tam sim no yeej pov thaiv tau kev sib cais los ntawm kev xiam oob qhab. Cov cai hais tseg meej tias cov kev teeb tsa khoos kas uas muaj kev sib cais yuav raug txheeb xyuas thiab rhuav tshem los ntawm kev rov muab peev nyiaj pab dua tshiab los txhawb nqa thiab txhawb zog rau kev tsis sib cais, kev hloov kho cov qauv kev nrhiav neeg ua hauj lwm, thiab kev siv lwm cov hauv kev.
6. Tsim kho cov lus qhia rau cov khoos kas kev kawm ntiag tug (Individualized Educational Program, IEP) cov pab pawg neeg ua hauj lwm hais txog qhov tseem ceeb ntawm kev muab kev pab cuam rau cov me nyuam uas lawv yuav tau txais kev pab cuam yog tias lawv tsis muaj kev xiam oob qhab.
7. Tso cai rau cov neeg ua hauj lwm tshab xyuas tus me nyuam lub IEP tas li txhawm rau ua kom ntseeg siab tias tau siv cov kev pab cuam, cov kev txhawb nqa, thiab cov kev muab tso rau hauv qhov chaw kawm lawm yam uas muaj kev siv tau zoo.
8. Siv cov cai thiab cov txheej txheem uas txhawb nqa cov kev xyaum tsis sib cais rau cov me nyuam uas muaj cov kev xiam oob qhab thiab lawv cov tsev neeg yam uas muaj kev siv tau zoo ntxiv.
9. Siv cov cai thiab cov txheej txheem uas txhawb nqa cov kev pab cuam ntiag tug uas daws teeb meem txog cov yam uas ua tau zoo thiab cov kev xav tau ntawm cov me nyuam uas muaj kev xiam oob qhab thiab cov kev qhia tus kheej uas sib txawv thiab lawv cov tsev neeg.
10. Siv cov cai thiab cov txheej txheem kev txheeb sau ntaub ntawv los ua kev taw qhia txoj hauv kev rau kev ntsuam xyuas thiab kev txhim kho.
11. Tshab xyuas thiab hloov kho dua tshiab khoos kas cov cai thiab cov txheej txheem tas li.

QHOV KEV TAW QHIA L6: Cov Peev Txheej Fab Nyiaj Txiag

Lub khoos kas nkag siab cov chaw muaj peev nyiaj pab thiab cov peev txheej uas muaj thiab cov kev rov faib dua, cov kev txuas lus, thiab cov kev sau cov peev nyiaj los ua ke txhawm rau tawm qauv thiab ua cov kev xyaum tsis sib cais.

Lub khoos kas hauv zos:

1. Tsim kho cov kev cog lus sib koom tes ua hauj lwm los ua kom muaj txiaj ntsig zoo rau kev faib qhov nqi, sau cov peev nyiaj los ua ke, hloov pauv cov nyiaj tsis raug cai nrog rau lwm cov khoos kas ECE.
2. Tsim kho cov peev nyiaj rau kev nrhiav neeg ua hauj lwm, kev xyaum, thiab kev cob qhia txhawm rau txhawb nqa kev tsis sib cais.
3. Tawm phiaj xwm rau, kuaj xyuas, thiab ntsuam xyuas qhov kev siv nyiaj txiag, neeg ua hauj lwm thiab lwm cov peev txheej uas muaj kev siv tau zoo los txhawb nqa cov kev xyaum tsis sib cais.

QHOV KEV TAW QHIA L7: Neeg Ua Hauj Lwm Cov Cai thiab Tus Qauv

Lub khoos kas cov cai thiab cov qauv txhawb nqa kev muab Kev Kho Mob Thaum Ntxov (Early Intervention, EI), kev kawm tshwj xeeb, thiab lwm cov kev pab cuam tshwj xeeb (piv txwv, kev kho mob fab kev hais lus, kev kho mob fab kev ua hauj lwm, los sis kev kho mob fab lub cev ntaj ntsug) nyob rau hauv cov hauj lwm thiab cov kev ua ub ua no uas niaj hnuv ua uas ua rau khoos kas cov kws muab kev pab cuam sib koom tes ua hauj lwm los kawm paub thiab siv cov kev xyaum tsis sib cais.

Lub khoos kas hauv zos:

1. Siv cov cai thiab cov txheej txheem los txhawb nqa kev sib koom tes ua hauj lwm ncuu ntawm cov neeg ua hauj lwm ntawm khoos kas thiab cov neeg ua hauj lwm muab kev pab cuam tshwj xeeb nyob rau ncuu sijhawm ua cov hauj lwm uas niaj hnuv ua ntawm cov me nyuam uas muaj kev xiam oob qhab.
2. Txheeb xyuas cov neeg ua hauj lwm los txuas lus txog cov kev pab cuam rau cov tsev neeg thiab cov me nyuam uas muaj cov kev xiam oob qhab.
3. Siv cov cai thiab cov txheej txheem los ua kom ntseeg siab tias cov kws muab kev pab cuam tuaj yeem nkag mus siv tau cov kev txhawb nqa tshwj xeeb thiab cov peev txheej uas yuav tsum tau muaj los daws cov teeb meem txog ntawm tus me nyuam thiab tsev neeg cov yam uas ua tau zoo thiab cov kev xav tau uas ua ib leeg. Muab kev ua tib zoo saib tshwj xeeb rau lub hom phiaj uas tau sib koom uas muab cov kev ntsuam xyuas thiab kev cuam tshuam uas pab txhawb rau fab kab lig kev cai thiab kev tsim kev ruaj khov rau cov me nyuam uas muaj cov kev xiam oob qhab uas muaj cov kev qhia txog tus kheej uas sib txawv nyob rau fab haiv neeg, hom lus, thiab kab lig kev cai.
4. Siv cov cai thiab cov txheej txheem los ua kom ntseeg siab tias cov neeg ua hauj lwm ntawm lub khoos kas thiab cov neeg ua hauj lwm muab kev pab cuam tshwj xeeb ua hauj lwm ua ke los faus tseg cov kev pab cuam rau hauv cov huab cua ib puag ncig uas ib txwm muaj thiab cov hauj lwm uas niaj hnuv ua thiab ua kom muaj kev kawm paub los ntawm ib tug dhau tug ntau ntxiv.

QHOV KEV TAW QHIA L8: Kev Sib Koom Tes Ua Hauj Lwm Ua Pab Pawg

Lub khoos kas muab sij hawm kev tawm phiaj xwm txaus thiab lwm cov kev txhawb nqa rau cov pab pawg neeg ua hauj lwm sib koom tes los ua hauj lwm ua ke mus yam tsis tu ncuu txhawm rau ua kom muaj kev kawm paub thiab kev tsim kho ntau ntxiv rau cov me nyuam uas muaj cov kev xiam oob qhab.

Lub khoos kas hauv zos:

1. Tsim cov pab pawg neeg ua hauj lwm txog ntau yam kev paub uas suav nrog cov tib neeg uas faib tawm cov tsev neeg li kab lig kev cai los sis hom lus los pab lawv txhawb nqa cov tsev neeg thiab lawv cov me nyuam nyob rau cov hauv kev uas pab txhawb rau fab kab lig kev cai thiab tsim kev ruaj khov.
2. Tsim tus qauv kev nrhiav neeg ua hauj lwm uas phim txhawm rau ua kom ntseeg siab tias cov kws muab kev pab cuam EI, kev kawm tshwj xeeb, thiab cov kws muab cov kev pab cuam uas tau cuam tshuam tuaj yeem txhawb nqa tau cov kws muab kev pab cuam nyob rau hauv kev siv cov kev xyaum tsis sib cais thiab cov kev pab cuam uas tau faus tseg los ua kom tau raws li cov kev xav tau ntawm cov me nyuam uas muaj cov kev xiam oob qhab thiab lawv cov tsev neeg.
3. Tsim cov qauv kev nrhiav neeg ua hauj lwm uas tuaj yeem hloov pauv tau thiab kev teem caij txhawm rau kom muaj sij hawm los sib tham, tawm phiaj xwm, thiab daws teeb meem.
4. Tshab xyuas thiab ntsuam xyuas qhov kev siv tau zoo ntawm kev sib koom tes ua hauj lwm tas li.
5. Muab lus qhia tshwj xeeb txog txoj hauv kev ntsuam xyuas cov Cov Neeg Kawm Ob Hom Lus (Dual Language Learner, DLL) uas ua xyem xyav tias muaj cov kev xiam oob qhab ua lawv thawj hom lus hais thiab Lus As Kiv, uas siv cov kws txhais lus los sis cov kws muab kev pab cuam paub ob hom lus raws li yuav tsum tau siv. Muab cov lus qhia txog txoj hauv kev muab cov hwv tsam kev kawm paub txog kev tsis sib cais uas pab txhawb tus me nyuam li kev siv ob hom lus thiab kev loj hlob paub tab raws li ncuu dav, txawm tias cov kws muab kev pab cuam tsis hais tus me nyuam thawj hom lus hais los xij.

QHOV KEV TAW QHIA L9: Kev Pab Fab Tev Niv Tshwj Xeeb thiab Cov Kev Pab Cuam Kev Sab Laj

Lub khoos kas txheeb xyuas thiab nkag mus siv kev pab fab tev niv tshwj xeeb (Technical Assistance, TA) thiab cov kev pab cuam sab laj txhawm rau pab txhawb nqa kev ua cov kev xyaum tsis sib cais thiab sib txuas lus nrog rau lub xeev txog tej cov kev txhawb nqa txhab ntxiv. Cov ntaub ntawv txog TA thiab cov kev pab cuam sab laj yog tau muaj ua cov qauv thiab cov hom lus uas cuam tshuam uas raug raws li lub khoos kas cov kev xav tau.

Lub khoos kas hauv zos:

1. Tsim ua rau kom cov kws muab kev pab cuam paub txog qhov TA thiab kev txhawb nqa ntawm xeev thiab hauv zos uas muaj.
2. Txheeb sau cov ntaub ntawv los ntawm cov kws muab kev pab cuam hais txog TA thiab cov kev pab cuam sab laj ntxiv uas yuav tsum tau muaj. Cov ntaub ntawv raug sau uas siv ntau cov qauv sib txawv, uas suav nrog kev sib tham ua pab pawg, cov kev soj ntsuam, thiab lwm yam.
3. Tsim kho lub phiaj xwm txhawm rau kom tuaj yeem nkag mus siv tau TA thiab cov kev pab cuam sab laj uas muaj.
4. Txuas lus qhov kev xav tau cov kev pab cuam txhab ntxiv nrog rau Pab Pawg Neeg Ua Hauj

Lwm Txog Kev Tsis Sib Cais Ntawm Zej Zog (CIT) los sis xeev raws li phim.

5. Tsim lub phiaj xwm rau txhua tus kws muab kev pab cuam los sib koom tes ua hauj lwm, tawm phiaj xwm, thiab daws teeb meem nrog rau cov neeg ua hauj lwm muab kev pab cuam tshwm xeeb.
6. Siv cov ntaub ntawv los ntsuam xyuas qhov kev siv tau zoo ntawm qhov TA thiab cov kev pab cuam kev sab laj.
7. Txheeb xyuas thiab ceev kev ruaj ntseg ntawm qhov kev muaj TA uas daws teeb meem kev muaj vaj huam sib luag nyob rau hauv kev kawm tshwj xeeb. Kev pab fab tev niv uas tshwj xeeb suav nrog cov ncauj lus uas tau cuam tshuam rau cov kev sib txawv ncuu ntawm haiv neeg, hom lus hais, thiab kev xiam oob qhab, thiab txoj hauv kev ntsuam xyuas yam uas muaj kev siv tau zoo thiab muab cov kev pab cuam rau cov me nyuam uas yog cov DLL uas tau ua xyem xyav los sis qhia meej tias muaj cov kev xiam oob qhab.
8. Txheeb xyuas cov kev pab cuam uas tau muab los ntawm cov kws tshwj xeeb uas yog cov tswv cuab ntawm cov zej zog uas tau txais kev pab cuam.
9. Txheeb xyuas cov khoos kas uas tsis tau txais TA thiab siv nws nyob rau hauv cov khoos kas ntawd.

QHOV KEV TAW QHIA L10: Cov Kev Txhawb Nqa Khoos Kas rau Kev Tsim Kho Hauj Lwm

Lub khoos kas tsim kev ntseeg siab ntawm tus kws muab kev pab cuam thiab kev muaj peev xwm siv cov kev xyaum tsis sib cais. Nws muab cov hwm tsam thiab cov kev txhawb nqa los koom nrog kev tsim kho hauj lwm (Professional Development, PD) thiab kev cob qhia uas pab txhawb kev muaj vaj huam sib luag.

Lub khoos kas hauv zos:

1. Muab kev ntsuam xyuas raws kab raws kev rau tus kws muab kev pab cuam cov yam uas ua tau zoo thiab cov kev xav tau uas tau cuam tshuam rau kev siv cov kev xyaum tsis sib cais.
2. Tsim kho kev qhia hauj lwm thaum xub thawj thiab cov hwm tsam kev tsim kho hauj lwm txuas mus ntxiv uas daws teeb meem txog cov kev sib txawv ncuu ntawm haiv neeg, kev muaj peev xwm thiab hom lus.
3. Muab cov kev txhawb nqa uas muaj kev tsim nyog los siv cov kev xyaum tsis sib cais, xws li kev cob qhia uas saib raws li kev xyaum thiab kev muab kev sab laj rau cov kws muab kev pab cuam.
4. Muab lub sij hawm tso tawm thiab cov peev txheej rau cov kws muab kev pab cuam los koom nrog PD thiab kev cob qhia uas tseem ceeb, uas ua txuas mus ntxiv yam tsis tu ncuu.
5. Ntsuam xyuas qhov kev siv tau zoo ntawm PD thiab nws li kev cuam tshuam tsis zoo rau kev lees txais thiab kev siv cov kev xyaum tsis sib cais.
6. Muaj txheej txheem kev muab PD los txhawb nqa cov kws muab kev pab cuam uas nkag hauj lwm tshiab.
7. Ua kom ntseeg siab tias tuaj yeem nkag mus siv tau TA thiab PD (yam tsis xam nqi los sis tus nqi qis, nyob rau ncuu sij hawm cov teev sij hawm uas tuaj yeem hloov pauv tau los sis nyob rau ncuu sij hawm cov hnuv PD, ua ntau tus qauv thiab ntau hom lus thaum phim) thiab raug raws li lub khoos kas cov kev xav tau.

8. Ua kom ntseeg siab tias cov ntaub ntawv txog tus me nyuam qhov tshwm sim tawm los raug siv los txiav lub ntsiab lus ntawm qhov TA los sis PD, uas hloov kho kom phim rau tus kws muab kev pab cuam cov kev xav tau.
9. Ua kom ntseeg siab tias cov kws muab kev pab cuam tau txais PD uas tsom kwm rau kev siv cov kev xyaum tsis sib cais, nrog rau qhov kev cob qhia uas tau faus tseg rau txoj hauj lwm thiab cov voj voos lus pab tswv yim.

QHOV KEV TAW QHIA L11: Tus Qauv Kawm

Lub khoos kas siv tus qauv kawm uas phim rau kev tsim kho uas muaj kev siv tau zoo uas tau hloov kho kom phim raws li xav tau. Nws muab cov kev paub dhau los txog kev tsis sib cais rau cov me nyuam uas muaj cov kev xiam oob qhab uas pab txhawb lawv li kev kawm paub, kev ywj pheej, thiab kev koom nrog lwm tus.

Lub khoos kas hauv zos:

1. Siv tus qauv kawm uas tuaj yeem hloov kho tau kom phim rau cov yam uas ua tau zoo thiab cov kev xav tau ntawm cov me nyuam uas muaj kev xiam oob qhab.
2. Muab kev cob qhia tus kws muab kev pab cuam hais txog txoj hauv kev hloov kho kom phim, muab yam pab kev yooj yim, thiab hloov kho tus qauv kawm kom raug raws li cov kev xav tau ntawm cov me nyuam uas muaj kev xiam oob qhab.
3. Ua kom ntseeg siab tias cov kws muab kev pab cuam nkag siab thiab tuaj yeem siv tau cov cai kev tawm qauv thoob plaws ntiaj teb rau kev kawm paub cov kev xyaum kev qhia kawm, cov ntaub ntawv, thiab cov huab cua ib puag ncig uas tuaj yeem muaj kev hloov pauv tau thiab tuaj yeem nkag mus siv tau.
4. Suav nrog qhov kev txhawb nqa tus qauv kawm rau cov DLL uas muaj cov kev xiam oob qhab txhawm rau ua kom ntseeg siab tias lawv tau txais kev txhawb nqa kev tsim kho uas xam tag nrho thiab qhov kev qhia kawm uas pab txhawb lawv li kev tsim kho Lus As Kiv thiab thawj hom lus hais.
5. Cov kws muab kev pab cuam tau txais cov peev txheej thiab cov lus qhia txog kev siv tus qauv kawm nrog rau cov ntaub ntawv, cov khoom ua si, thiab cov phau ntawv uas qhia txog kev muaj ntau yam sib txawv (haiv neeg, kab lig kev cai, hom lus, thiab kev muaj peev xwm) ntawm cov me nyuam thiab cov tsev neeg uas tau txais kev pab cuam.
6. Cov kws muab kev pab cuam tau txais cov lus qhia txog txoj hauv kev faus tseg cov hwm tsam kev kawm paub tshwj xeeb rau cov me nyuam uas muaj cov kev xiam oob qhab nyob rau hauv tus qauv kawm.

QHOV KEV TAW QHIA L12: Kev Txheeb Sau thiab Kev Siv Ntaub Ntawv

Lub khoos kas siv cov ntaub ntawv uas tau muab cais, (*xws li*, haiv neeg thiab tsav neeg, hom lus, kev muaj peev xwm, poj niam txiv neej, nyiaj khwv tau los, cheeb tsam chaw), kev tsom kwm saib yam tsis tu ncuu, thiab kev ntsuam xyuas uas tseeb tiag los ua cov kev txiav txim thiab txhim kho qhov ua tau zoo uas tau cuam tshuam rau huab cua ib puag ncig, cov kev xyaum tsis sib cais, thiab tus me nyuam cov kev paub dhau los.

Lub khoos kas hauv zos:

1. Txheeb sau cov ntaub ntawv los ua cov kev txiav txim yam uas muaj kev paub hais txog qhov kev siv cov kev xyaum tsis sib cais, uas muaj kev tshab xyuas cov ntaub ntawv txog kev sib txawv (piv txwv, haiv neeg x kev xiam oob qhab, haiv neeg x kev xiam oob qhab x thawj hom lus hais).
2. Siv cov ntaub ntawv uas los ntawm ntau qhov chaw los txiav txim cov yam tsim kev tab kaum rau kev tsis sib cais (piv txwv, kev ntub ntxaug neeg xiam oob qhab, txoj cai los sis cov peev txheej, kev tsim kho hauj lwm, kev tu ncuu kev txuas lus).
3. Txheeb sau, ntaus nqi, thiab siv cov ntaub ntawv uas tau cais raws kab raws kev uas tau cuam tshuam rau:
 - Qhov ntau ntawm cov chaw zaum los sis cov kem chaw uas muaj rau cov me nyuam uas muaj cov kev xiam oob qhab nyob rau hauv nws lub khoos kas.
 - Qhov ntau ntawm cov me nyuam uas muaj cov kev xiam oob qhab nyob rau hauv lub koos kas daim npe tos.
 - Cov tshwm sim tawm los fab kev tsim kho ntawm cov me nyuam uas muaj cov kev xiam oob qhab.
 - Tus kws muab kev pab cuam li kev txaus siab nrog rau thiab cov kev paub txog kev tsis sib cais.
 - Tus kws muab kev pab cuam cov kev hnov tau txog ntawm kev muaj peev xwm thiab kev ntseeg siab rau kev suav nrog cov me nyuam uas muaj cov kev xiam oob qhab.
 - Tsev neeg li kev txaus siab nrog rau thiab cov kev paub txog kev tsis sib cais.
 - Qhov ntau ntawm cov me nyuam uas tau txais lawv li kev cuam tshuam thaum tseem ntxov, kev kawm tshwj xeeb, thiab cov kev pab cuam uas tau cuam tshuam nyob rau hauv huab cua ib puag ncig kev tsis sib cais uas nyob rau hauv nws lub khoos kas.
4. Muab cov ntaub ntawv los ntawm lub khoos kas cov kev taw qhia rau Pab Pawg Neeg Ua Hauj Lwm Txog Kev Tsis Sib Cais Ntawm Zej Zog (CIT) thiab xeev cov chaw sawv cev raws li yuav tsum tau muab.
5. Siv Kev Saib Xyuas Thaum Tseem Ntxov thiab Huab Cua Ib Puag Ncig Ntawm Kev Kawm (Early Care and Education Environments, ECEE) cov kev taw qhia txog kev tsis sib cais.
6. Muab cov kev xaus lus ntaub ntawv raws li ib txwm uas ua cov qauv uas yooj yim rau tus neeg siv rau cov kws muab kev pab cuam, cov tsev neeg, cov khub uas cuam tshuam, thiab lwm cov khoos kas ECE.
7. Ntsuam xyuas qhov kev siv tau zoo ntawm cov txheej txheem kev txheeb sau ntaub ntawv uas raws li niaj hnub ua.

8. Cov ntaub ntawv rau cov DLL uas muaj cov kev xiam oob qhab suav nrog qhov kev soj ntsuam thawj hom lus hais, thiab cov ntaub ntawv ua Lus As Kiv thiab lawv thawj hom lus hais, raws li phim. Thaum cov kws muab kev pab cuam tsis hais cov me nyuam thawj hom lus hais, ces yuav tau siv cov kws txhais lus los sis cov tswv cuab hauv zej zog los txheeb sau cov ntaub ntawv hais txog cov me nyuam li kev tsim kho thiab kev ua tau zoo ua ob hom lus tib si.

Lub chaw muaj ntaub ntawv uas tau qhia:

Lub Chaw Hauj Lwm Txog Kev Pab Fab Tev Niv Rau Cov Me Nyuam Tseem Yau (Early Childhood Technical Assistance Center), thiab Lub Chaw Hauj Lwm Hauv Teb Chaws rau Cov Kev Tsim Kho Tshiab Qauv Pis Las Miv (National Center for Pyramid Model Innovations) (2023). *Cov Kev Taw Qhia Kev Tsis Sib Cais Uas Muaj Kev Ua Tau Zoo (Indicators of High-Quality Inclusion)*. Tau rub rov qab los ntawm <https://ectacenter.org/topics/inclusion/indicators.asp>

Cov ntsiab lus ntawm nplooj no yog tau tsim raws li cov kev cog lus kev sib koom tes #H326P220002 (Lub Chaw Hauj Lwm ECTA) thiab #H326B220002 (NCPMI), los ntawm

Lub Chaw Ua Hauj Lwm txog Cov Khoos Kas Kev Kawm Ntawv Tshwj Xeeb (Office of Special Education Programs), Teb Chaws Mes Kas Lub Tuam Tsev Hauj Lwm Ntsig Txog Kev Kawm (U.S. Department of Education). Txawm li cas los, cov ntsiab lus no tsis tas yuav hais txog txoj cai ntawm Teb Chaws Mes Kas Lub Tuam Tsev Hauj Lwm Ntsig Txog Kev Kawm, thiab koj tsis tsim nyog tau txais kev pom zoo los ntawm Tsoom Fwv Teb Chaws (Federal Government).



Office of Special Education Programs
U.S. Department of Education



UNC

FPG CHILD DEVELOPMENT INSTITUTE